

# SCRIPTA

---

**Numéro Scripta** : 5509

**Auteur(s)** : Coutances (official)

**Bénéficiaire(s)** : Julien de Zancate, Coutances (chanoine)

**Genre d'acte** : charte

**Authenticité** : non suspect

**Datation** : 1297, 26 avril

**Lieu d'émission** : Coutances

**Action juridique** : autre

**Langue du texte** : latin

## Analyse

Robert Basire ratifie la vente faite par Nicolas de Maeserey et Petronille à Julien de Zancate.

## Tableau de la tradition

### Éditions principales

a. Fontanel Julie, *Le cartulaire du chapitre cathédral de Coutances*, Saint-Lô, Archives départementales de la Manche (Sources inédites sur l'histoire du département de la Manche ; 1), 2003, n° 321, p. 460-461.

Texte établi d'après a

Universis hec visuris, officialis Constanciensis, salutem in Domini. Noveritis quod presens in jure coram nobis Robertus Basirie, de parrochia de Chambernon, recognovit spontanee se ratas et gratas habuisse et habere venditionem, concessionem et dimissionem sex bussellorum frumenti ad mensuram Constanciensem annui redditus [ad festum] sancti Michaelis finaliter factas venerabili viro Juliano de Zancato, canonico Constanciensi, a Nicolao de Maesereio et Petronilla, ejus uxore, sorore dicti Roberti ; quem redditum Petrus Basirie, pater ipsorum Roberti et Petronille dederat in dotem seu maritagium eidem Petronille cum dicto Nicolao, eumdemque redditum ipsis Nicolao et Petronille assignaverat idem pater supra quamdam peciam terre sitam in dictam parrochia, duas acras integre continentem, et specialiter obligaverat eisdem Nicolao et Petronille ad faciendam ibidem suam justiciam plenariam pro dicto reddito, nisi sibi annuatim ad dictum festum sancti Michaelis libere redderetur, sine contradictione alicujus. Que quidem pecia terre est juncta ex uno latere et attingit ex uno capite ad aliam terram dicti Petri Basirie et ex alio latere ad terram quam tenet Johannes Savari, ratione Ereburge uxoris [sue], et attingit ex alio capite ad terram Mathei de Monroc ; et promisit idem Robertus quod ipse prefatum canonicum et alium quemlibet qui ratione ipsius canonici jus habuerit in dicto reddito ratione ipsius canonici permittet tenere, percipere et habere in posterum redditum supradictum libere et quiete, ac facere suam justiciam plenariam super dictas duas acras terre pro dicto reddito, nisi sibi anno quolibet ad festum dicti sancti Michaelis libere redderetur, sine contradictione alicujus. Et quod est actum, dictum et conventum, verbis expressis inter ipsos canonicum et Robertum quod idem Robertus predictum redditum liberabit canonico memorato et cuicumque allii idem canonicus hujus redditum dederit, vendiderit seu alias obligaverit, sub quocumque titulo seu causa, et quod si contingeret eumdem redditum minui quoquomodo, idem Robertus eumdem redditum in sua hereditate proxima excambicaret ac furniret ipsumque J[ulianum] de Zancato et alium quemlibet jus aliquod seu causam habentem ibidem ratione ipsius canonici indemnum super hiis modis omnibus observaret, pena sex librarum tur. super hoc apposita, solvenda a dicto Roberto prefato canonico et cuilibet alii suo tempore jus aliquod seu causam ibidem habenti ratione ipsius canonici si dictus Robertus deficeret in premissis vel in [aliquo premissorum, ita] quod dicta pena soluta si eam

committi contingerit ; tenetur nichilominus idem Robertus premissa facere et implere se heredesque suos et bona sua omnia, mobilia et immobilia, dicto J[uliano] de Zancato propter hoc obligando renunciavitque super hiis prefatus Robertus exceptioni doli mali, fori falsi, peccunie in utilitatem ipsius Roberti non converse, cause non secute, privilegiis cruce signati indultis ac indulgendis, deceptioni cujuslibet et aliis universis de premissis faciendis fideliter et implendis et de non veniendo contra juramento ab eodem Roberto prestito corporaliter coram nobis ; et nos ipsum Robertum volentem et consencientem ad hoc dicto J[uliano] de Zancato condempnamus. In cujus rei testimonium, sigillum curie Constanciensis unacum sigillo Roberti presentibus est appensum. Actum et datum Constantiis, anno Domini millesimo CC<sup>o</sup> nonagesimo septimo, die veneris post festum sancti Marci evangeliste, de consensu parcium.